

ՀԱՅԿԱԿԱՆ ԽՍՀ ԳԵՐԱԳՈՒՅՆ ԽՈՐՀՐԴԻ Ո Ր Ո Շ Ո Ւ Մ Ը

ԱԴՐԲԵՋԱՆԱԿԱՆ ԽՍՀ-ՈՒՄ, ԼՂԻՄ-ՈՒՄ, ՀԱՅԿԱԿԱՆ
ԽՍՀ ՍԱՀՄԱՆԱՑԻՆ ՇՐՋԱՆՆԵՐՈՒՄ ՀԱՅ
ԱԶԳԱԲՆԱԿՉՈՒԹՅԱՆ ԵՎ ԽՈՐՀՐԴԱՑԻՆ ԲԱՆԱԿՈՒՄ
ՀԱՅԱԶԳԻ ԶԻՆԾԱՌԱՅՈՂՆԵՐԻ ԱՆՎՏԱՆԳՈՒԹՅԱՆ
ԱՊԱՀՈՎՄԱՆ ԽՆԴԻՐՆԵՐԻ ՄԱՍԻՆ

Հայկական Խորհրդային Սոցիալիստական Հանրապետության Գերագույն խորհուրդը որոշում է.

1. Ելնելով ռեզիոնում ստեղծված լարված իրավիճակից և նկատի ունենալով, որ հայ բնակչության նկատմամբ Ադրբեջանի տարածքում կատարվող բռնությունները, հալածանքներն ու սպանությունները մինչև այժմ ձեռնարկված միջոցառումներով չեն կանխվում, Հայկական ԽՍՀ Գերագույն խորհուրդը դիմում է ԽՍՀՄ Գերագույն խորհրդին, պահանջելով հրավիրել ԽՍՀՄ ժողովրդական դեպուտատների արտահերթ համագումար՝ այդ հարցը քննարկելու և հայ բնակչության կյանքի անվտանգության ապահովման համար գործունե միջոցներ իրականացնելու նրա պատակով:

2. Հայկական ԽՍՀ Գերագույն խորհուրդը դիմում է ԽՍՀՄ Գերագույն խորհրդին՝ քննության առնելու Ադրբեջանական ԽՍՀ Շահումյանի շրջանի և Գետաշենի ենթաշրջանի ժողովրդական դեպուտատների տեղական խորհուրդների որոշումները, որոնք հիմնականում պաշմանավորված են տեղի հայ բնակչության կյանքին սպառնացող իրական վտանգով:

Հայկական ԽՍՀ Գերագույն խորհրդի նախագահության
նախագահ՝ Լ. ՈՍԿԱՆՅԱՆ

Հայկական ԽՍՀ Գերագույն խորհրդի նախագահության
քարտուղար՝ Ն. ՍՏԵՓԱՆՅԱՆ

3. Հանրապետության սահմանային շրջաններում Հայկական ԽՍՀ վարչական մարմինների մասնակցությամբ անցկացնել ժողովրդական դեպուտատների շրջանային խորհուրդների արտահերթ նստաշրջաններ՝ սահմանամերձ շրջանների բնակչության կյանքը ու անվտանգությունն ապահովող համատեղ միջոցառումների ծրագիր մշակելու նպատակով:

4. Հաշվի առնելով, որ ազգային պատկանելության հողի վրա խորհրդային բանակում վերջին մեկուկես տարում արձանագրվել են հայազգի զինծառայողների սպանության, հալածանքի ու ծեծի բազմաթիվ դեպքեր, Հայկական ԽՍՀ Գերագույն խորհուրդը դիմում է ԽՍՀՄ Գերագույն խորհրդին՝ գորամիավորումներում ծառայող հայազգի զինծառայողների կյանքի ապահովության իրական երաշխիքներ ստեղծելու պահանջով:

5. Հանձնարարել Հայկական ԽՍՀ դատախազությանը՝ Հայկական ԽՍՀ Գերագույն խորհրդի ներկա նստաշրջանում ինֆորմացիա տալ հանրապետության տարածքում կատարված զանգվածային թունավորումների և դրանց հետաքրքրության արդյունքների մասին: